

TA’LIM SIFATINI OSHIRISHDA O`QUVCHILARNI AXLOQIY TARBIYALASH

Boboyeva Feruza

Navoiy vioyati navoiy shahar Kasb hunar maktabi tarbiya fani o'qituvchisi

Annotatsiya

Mazkur maqolada ta’lim sifatini oshirishda o`quvchilarini axloqiy madaniyatning ko`rinishlari, uning qirralari va namoyon bo`lish shakllari haqida yoritilgan.

Kalit so‘zlar: Ma’naviy, axloqiy va estetik, irodaviy, odamiylik, do`stlik, to`g`rilik,adolatparvarlik, mehnat, poklik.

Mustaqil O’zbekistonning siyosiy, iqtisodiy, ma’naviy yo`nalishlarini rivojlantirishda va demokratik, insonparvarlik jamiyatini qurishda xalq ta’limi tizimini takomillashtirish, ayniqsa, boshlang`ich ta’lim bosqichi ish faoliyatini yuqori darajaga ko`tarish muhim ahamiyat kasb etadi. Chunki kelajagimizning taqdiri hozirgi kunda boshlang`ich ta’lim bosqichi maktablarida ilm olayotgan bolalarning tarbiyasiga bog`liqdir. O’zbekiston Respublikasining birinchi Prezidenti I.A.Karimov o’zining “O’zbekiston mustaqillikka erishish ostonasida.” kitobida, - “Agar ertangi kunimizni o`ylab ish qilmoqchi bo`lsak, kelajakda ishimizni davom ettiradigan bugungi yoshlarimizga sharoit yaratib, ularning hayoti haqida qayg`uradigan bo`lsak, avvalo. mahalliy yoshlarni tarbiyalash ishiga munosabatimizni mutloqo o`zgartirishimiz kerak”.³²-deb ta’kidlaydi. Shuni alohida ta’kidlash kerakki, Bugungi tarbiya-istiqbol ko‘zgusidir. Zotan, kelajak buyukligi tarbiya orqali yaratiladi. Tarbiyasiz odam hech narsaga qodir emas. Shaxs sifatida shakllanadigan o`quvchining ma’naviy kamolotida axloqiy madaniyatning ahamiyati benihoya katta. Axloqiy madaniyatga axloqiy bilimlar, malaka va ko`nikmalar, axloq qoidalari yordamida o`quvchining xulq-atvori, xatti-harakatlarini boshqarish tizimidir. Axloqiy

³² Islom Karimov. O’zbekiston mustaqillikka erishish ostonasida. –T.: “O’zbekiston” NMIU, 2011 yil, 70-71-betlar.

madaniyat o`quvchining ko`p qirrali faoliyati davomida shakllanib va takomillashib boradi.

Axloqiy madaniyatning ko`rinishlari, uning qirralari va namoyon bo`lish shakllari xilma-xildir. Insonparvarlik, halollik, tashabbuskorlik, vatanparvarlik, mehnatsevarlik, erksevarlik, faollik, ijodkorlik, haqiqatgo`ylik, mas`uliyatlik, saxiylik, kamtarlik, poklik va shu kabi qator muhim tushunchalar axloqiy madaniyat tushunchalaridir. Axloqiy tarbiya dastlab oilada, bog`chada keyinchalik boshlang`ich sinflarda bilim olayotgan bolalarda shakllanadi. Ta`limning poydevori qanchalik mustahkam bo`lsa, o`quvchining axloqiylikka va estetikaga oid dunyoqarashi shunchalik rivojlanadi. Shuning uchun ham birinchi Prezidentimiz I.A.Karimov «...bolaning dunyoqarashi, didi, salohiyati shakllanadigan boshlang`ich sinflarga eng yetuk, eng tajribali murabbiylar biriktirib qo`yilishini oddiy mantiqning o`zi talab etadi. Zamonaviy boshlang`ich ta`limning o`zi nimadan iborat bo`lishi kerak? Bola 1-4 sinflarda qanday bilimga ega bo`lishi lozim? Uning tarbiyasi qanday bo`lishi kerak? Shu masalalarga javob topishimiz zarur.³³ O`zbekiston mustaqilligi tufayli boshlang`ich ta`lim mazmuni tubdan o`zgardi. Milliy va ma`naviy qadriyatlar asosida yangi dasturlar, darsliklar, o`quv metodik tavsiyalar, ilmiy-metodik qo`llanmalar yaratildi. Dunyoqarashi, Mustaqil respublikamizda boshlang`ich sinf o`quvchilarini yangi talab asosida o`qitish va tarbiyalashga alohida e'tibor berildi. Boshlang`ich sinflar bo`yicha davlat ta`lim standarti, boshlang`ich ta`lim kontseptsiyasi yaratildi. Boshlang`ich ta`lim jarayonida I-IV sinflarda o`qitiladigan «O`zbek tili», «Ona tili», «O`qish», «Odobnoma», «Tabiat», «Musiqa madaniyati», «Tasviriy san`at», «Mehnat», «Jismoniy tarbiya» kabi fanlar asosida boshlang`ich sinf o`quvchilarida axloqiy- estetik tarbiyani tarbiyalashning poydevori qo`yiladi. Chunki, ushbu fanlarni o`qitish jarayonida o`quvchilar ongiga axloqiy- estetik tarbiyaning maqsad va vazifalarini singdirish, inson va jamiyat hamda uning taraqqiyoti haqidagi tushunchalar, bilimlar haqida muayyan tasavvurni hosil qilish, ma`naviy-axloqiy xatti-harakatlarni o`zlashtirish, shaxsning ijtimoiy yo`nalishi haqidagi ko`nikma va malakalar shakllantiriladi. Ya`ni, boshlang`ich sinf o`quvchilarida axloqiy- estetik

³³ Islom Karimov. “Yuksak ma`naviyat - yengilmas kuch” T., “Ma`naviyat”. 2008 yil.

tarbiyani shakllantirish 1-sinfdan IV sinfgacha bo`lgan davr mobaynida muhim o`zgarishlarga uchraydi. Bu yoshning oxirgi davrlariga kelib axloqiy- estetik tarbiya haqidagi bilimlar tasavvurlar va mulohazalar sezilarli darajada boyiydi. Boshlang`ich sinf o`quvchilarda axloqiy- estetik tarbiyani shakllantirish asosida ularda milliy o`zlikni anglash, vatanparvarlik, o`z vatani uchun iftixor tuyg`usini kamol toptirishda o`qish darslari muhim omil bo`lib xizmat qiladi.

Xulosa qilib shuni aytish mumkinki, boshlang`ich sinf o`quvchilarda axloqiy- estetik tarbiyani tarbiyalashda o`qituvchilar qo`yidagi vazifalarni amalga oshirishi maqsadga muvofiqdir.

1. Boshlang`ich sinf o`quvchilarga axloqiy- estetik tarbiya haqidagi bilimlarni berish;
2. O`quvchilar tomonidan o`zlashtirilgan axloqiy- estetik tarbiya haqidagi bilimlarni chuqurlashtirib borish;
3. O`quvchilarda axloqiy tarbiya haqidagi bilimlarni o`rganishga bo`lgan ehtiyoj va qiziqishni yuzaga keltirish;
4. O`quvchilarda axloqiy tarbiyaga oid ongli yondoshuvni qaror toptirish;
5. O`quvchilarni har qanday ko`rinishdagi odobsizliklarga qarshi kurashga rag`batlantirish;
6. O`qish» darslarini samaradorligini tahlil etib borish.

Foydalilanilgan adabiyotlar:

1. Axloq odobga oid hadis namunalari T.: Fan.1990 y.
2. Mavlonova R.Raxmonqulova N.Boshlang`ich ta’limning integratsiyalashgan pedagogikasi . T.: O`qituvchi, 2006.